

استراتيجية المتاجرة باستخدام مناطق الدعم والمقاومة

=====

قاللوك عن الدعم والمقاومة:

"الدعم والمقاومة هي خطوط على الشارت بسعر محدد"
"كلما تم اختبار الدعم أو المقاومة أكثر من مرة ده بياكد قوة الدعم أو المقاومة"
"المفروض ان تضع الأستوب لوس عند خط الدعم المحدد"

انا أسف انى اقولك ان كله الكلام اللى فوق ده
كلام غلط وحيكلك فلوس وخسائر لو اتبعته
طيب ايه الصح؟؟

واحدة واحدة كده.... وخلينا نفنط الموضوع براحة علشان نفهمه صح ونعرف نتابع مع الدعم والمقاومة بطريقة صحيحة واحترافيه وكمان نبني
استراتيجية للمتاجرة بيها

الأول خلينا نتفق على شوية حقائق عن الدعم والمقاومة
الدعم والمقاومة ليست خطوط محددة بأسعار,, بل هي مناطق دعم او مقاومة وليست سعر محدد
ايه هو تعريف الدعم او المقاومة

الدعم : هي منطقة على الشارت يتواجد عندها ضغوط القوى الشرائية (يعنى المشترين واقفين عند المنطقة ديه منتظرين السعر يوصلها علشان
يدخلو يشتروا)

المقاومة : هي منطقة على الشارت يتواجد عندها ضغوط القوى البيعية (يعنى البائعين منتظرين وصول السعر للمنطقة ديه علشان يبيعوا
(اسهمهم
تمام كده...)

المفروض ايه اللى يحصل لما السعر يوصل لمناطق الدعم او المقاومة المحتملة؟؟

في حالة مناطق الدعم المحتملة

عند وصول السعر للمنطقة ديه نراقب حركة السعر (البرايس اكشن) بمعنى نراقب سلوك السعر عند المنطقة ديه المفترض يحصل رفض
(انظر الشارت ٢)  لوجود السعر في المنطقة ديه ويدخل المشترين ليدفعوا السهم الى الأرتداد لأعلى
يبقى كده مناطق الدعم هنا فعالة وقدرت توقف نزول السهم وتدفعه الى اعلى.

Published on Investing.com, 16/Sep/2019 - 15:59:32 GMT, Powered by TradingView.
T M G Holding, Egypt, Egypt:TMGH, D



وفي حالة مناطق المقاومة المحتملة : عند وصول السعر للمناطق المقاومة نراقب سلوك السهم عند هذه المناطق ..المفترض انه يحصل ضغوط بيعية لتربص الباعين عند المناطق ديه وبالتالي يدفعو السهم الى اسفل

Published on Investing.com, 16/Sep/2019 - 15:45:14 GMT, Powered by TradingView.
Egyptian Financial Group-Hermes Hld, Egypt, Egypt:HRHO, D



(انظر الشارت ١)

ملحوظة : في كثير من الأحيان يلجأ صانع السوق لكسر مناطق الدعم او المقاومة كسر وهمى ...علشان ضعاف القلوب ومرتعشى الأيدى يبيعوا اسهمهم في حالة الدعم او يدخلو مشتريين في حالة كسر الوهمى للمقاومة.

علشان كده احنا بنقول انها منطقة وليست خط او سعر محدد...وكمان كسر المقاومة لأعلى او الدعم لأسفل له شروط تأكيدية حنشرحها بعدين)

تمام كده احنا اتفقنا على كام نقطة نراجعهم مع بعض
الدعم والمقاومة هي مناطق وليست خطوط بسعر محدد

..لابد من مراقبة سلوك السهم عند تلك المناطق

انت متوقع يحصل ايه عند المناطق ديه ؟؟؟

طيب ولو حصل العكس وتم كسرها ... حتعمل ايه ؟؟؟

حاول تجاوب معاياه على السؤال ده

تابع البوست القادم علشان نكمل باقي الاستراتيجية ونجاوب على الأسئلة ديه ...؟؟؟

أستراتيجية المتاجرة بأستخدام مناطق الدعم والمقاومة

(Part 2)

=====

اتكلمنا في البوست السابق عن تعريف مناطق الدعم والمقاومة المحتملة وشوفنا امثلة عليها

فضلك ارجع للجزء الأول...على الصفحة ..علشان نكمل فى نفس السياق

دلوقتى السؤال المهم ...انا ازاى اعرف ان مناطق الدعم او المقاومة السعر حيرتد من عندها لفوق في حالة الدعم و لأسفل في حالة المقاومة
؟؟؟؟ ولا سوف يتم كسرها...؟؟؟

... الأول خلى بالك انت في تعريف الدعم والمقاومة احنا قولنا هي مناطق محتملة

محتملة هنا يعنى ليها ترجيح ...يعنى ميش لازم السعر يرتد من عندها بل يمكن كسرها
طيب انا اعرف ازاى ؟؟؟؟

للازم تفهم حقائق مهمة

في حالة التردد الهابط الأرجح هو كسر مناطق الدعم لأسفل (انظر شارت 1)



في حالة الترنند الصاعد الأرجح هو كسر مناطق المقاومة لأعلى (شارت 2)



وخلى بالك من القاعدتين اللي فوق يبقى قبل ما تعامل مع مناطق الدعم او المقاومة احدد الترنـد

(طيب في حالة المناطق العرضية (توازن بين قوى البيع والشراء
.. في الغالب بنلاقى السوق في الحالة ديه بيتحرك بين حدى مقاومة والدعم في منطقة على الشارت
وزى ما قولنا في البوست السابق هنا بنراقب سلوك السعر عند هذه المناطق

تمام كده ... طيب فيه سلوك سعري ممكن يحصل عند مناطق الدعم او المقاومة بيديني ترجيح اكبر انه ممكن يحصل كسر لتلك المناطق؟؟؟
ايه هو ؟؟

... عند وصول السعر لمناطق المحتملة للدعم او المقاومة بيحصل تجميع وتعريض عند هذه المناطق
معناه ايه الكلام ده ؟؟

... انت متوقع ان السعر يحصله ارتداد عند المناطق ديه .. طيب ماحصلش ده معناه ايه
في حالة الدعم المشترين ليسوا بالقوة الكافية انهم يقدروا يوقفوا نزول السعر او انهم يدفعوه الى اعلى وبالتالي السعر لم يرتد الى اعلى وحصل
.. تعريض عند الدعم
... يبقى هنا السلوك السعري بيديني إشارة لأحتمال عالى لكسر الدعم
... والعكس في حالة المناطق المحتملة للمقاومات
شوف الشارت (3) علشان تبقى الصورة واضحة



تمام كده ... دلوقتي ... وكمان لو حصل اختبار لعدة مرات لمناطق الدعم او المقاومة ده بيضعف المناطق ديه .. ويخلي الترجيح الأعلى لكسرها
انت عرفت ازاي تراقب السهم عند المناطق ديه وتراقب السلوك السعري وتعرف انه ترجيح في حالة ارتداد السعر او كسره لتلك المناطق

طيب محتاج تتأكد؟؟؟

(ممكن نستعين بمؤشرات العزم في الحالة ديه علشان ترجح سلوك للسعر عند المناطق ديه (ممكن تستعين بالماكـد مثلا

يبقى هنا مثال لو السهم بيتجه لمناطق المقاومة وعندى انحراف سلبى على مؤشرات العزم ويتوافق مع السلوك السعرى مع تم شرحه بالأعلى ..
.. انت تفهم ايه ان الترجيح ان مناطق المقاومة من الصعب جدا كسرها
وفى الحالة ديه ممكن تتبع عندها

والعكس فى حالة مناطق الدعم...وجود انحراف ايجابى مع سلوك سعرى يدعم الارتداد من تلك المناطق...يبقى كده انا ابقى عارف ان ديه
تصلح مناطق شراء بترجيح جيد
تمام كده...زى الفل

فاكر لما قولتلك فى البوست السابق انك لاتضع الأستوب لوس بتاعك عند خط الدعم عارف ليه؟؟؟
هل يمكن ان يكون الدعم او المقاومة متحرك وليس منطقة محددة على الشارت؟؟
حاول تجاوب على السؤالين دول فى الكومنتات

...

وفى البوست القادم...حنجاوب على الأسئلة ديه
ونستكمل مع بعض استراتيجيات المتاجرة بأستخدام مناطق الدعم والمقاومة

SR_ST

استراتيجية المتاجرة بأستخدام مناطق الدعم والمقاومة (Part 3)

=====

هل يمكن ان يكون الدعم والمقاومة متحرك؟؟؟

السؤال ده سألنا فى البوست السابق ..تمام

الأجابة : ايوه مناطق الدعم والمقاومة ممكن ان تكون متحركة وفى الحالة ديه بنسميها دعم او مقاومة ديناميك
عندنا هنا نوعين من مناطق الدعم والمقاومة المتحركة

1- المتوسطات المتحركة(Moving Average)

ايوه المتوسطات المتحركة ممكن ان تعمل كمناطق دعم متحركة فى حالة الاتجاه الصاعد او مناطق مقاومة متحركة فى حالة الاتجاه الهابط....

وطبعا اعدادت المتوسطات المتحركة بتختلف على حسب طريقتك فى الشغل
يعنى ممكن تستخدمات متوسط متحرك 20 او حتى 50 بالنسبة للمتاجرة قصير الى متوسط المدى

خلى بالك هنا ... الأعدادات اللى بتشتغل عليها فى حالة دخولك الصفقة لو كنت بتعتمد على استراتيجية المتوسط المتحرك حتكون هي نفس
الأعدادات اللى بتعتمدها هنا كدعم متحرك

شوف كده المثال فى شارت 1

Published on Investing.com, 2/Oct/2019 - 15:22:59 GMT, Powered by TradingView.

Oriental Weavers, Egypt, Egypt:ORWE, D

EMA (20, close, 0)
EMA (50, close, 0)



ملحوظة محترفين : في حالة الاتجاه الصاعد المتوسط المتحرك يعمل كدعم متحرك... تمام كده...

احنا ممكن نعتمد عليه كوقف خسارة متحرك معنا (Trailing loss) في حالة اغلاق السعر اسفله خروج . انت ممكن تعتمد على متوسطين متحركين زي مثلا متوسط 20 مع متوسط 50 ... في إشارة الدخول في حالة التقاطع لأعلى...
ويستمر عملهم كدعوم متحركة وكذلك نقاط وقف خسارة متحركة في حالة استمرار الاتجاه الصاعد

2- الترنند لاين (Trend Line)

الترنند لاين يعتبر النوع الثانى من الدعوم او المقاومات المتحرك ...
وطبعا يتم استخدامه في حالة وجود ترند واضح للسوق .. تمام

يتم رسم الترنند لاين الصاعد بتوصيل بين القيعان الصاعدة والعكس في حالة الترنند لاين الهابط زي ما تعلمنا قبل كده (من فضلك ارجع لبوست الترنند لاين على الصفحة)

ملحوظة :

طبعا الترنند لاين هنا ليس خط ولكن منطقة زي ما شرحنا سابقا ويعمل كدعم او مقاومة متحركة وكذلك بنفس المبدأ وقف خسارة متحرك في حالة الترنند الصاعد والأغلاق اسفله بشروط الأغلاق الكاملة ...

من فضلك شوف الشارت 2 لمزيد من التوضيح



السؤال الثاني:

لماذا مناطق الدعم او المقاومة اسو مكان لوضع الأستوب لوس ؟؟
مثلا في حالة تحديد مناطق الدوم على الشارت ..
تفتكر كده معاياه ان انت بس اللي شايف ان ديه منطقة دعم ؟؟؟
طبعا لأ..... كل المتعاملين وأيضا صانع السوق شايف ده.

طيب تفتكر صانع السوق ممكن يعمل ايه ؟؟

ايوه بالظبط كده زى ما جاه في بالك

ايوه في الغالب لما بيكون هناك على الشارت مناطق دعم واضح ..

صانع السوق بيتعمد انه يكسر تلك المناطق .. علشان يفعل وقف الخسارة لمعظم المتعاملين وبعدين يرجع تاني ويغلق اعلى مناطق الدعم...

وفي الحالة ديه بيعتبر الكسر كسر وهمي (failure test)

طيب احنا نعمل ايه ؟؟ وايه الصح ؟؟

عندك حاجتين لازم تعلمهم علشان تحدد وقف الخسارة بتاعك تمام او تفعله...

ضع وقف الخسارة في مناطق بعيدة نسبيا عن مناطق الدعم ...

يعني نضع الأستوب اسفل مناطق الدعم تحسبا من الكسر الوهمي...

طيب بعيد اد ايه ؟؟؟

ده بيختلف من سهم لسهم على حسب الفولاتيليتي (Volatility) لكل سهم (ده موضوع حنعمله بوست مخصص)

استنى الأغلاق بالكامل اسفل مناطق الدعم .. علشان تتأكد انه تم كسرها بالفعل...

وفي الحالة ديه عندك طرقتين اغلاق شمعتين اسفل الدعم او اغلاق بنسبة 3% اسفل مناطق الدعم

شوف كده الشارت 3 علشان تقرب الصورة

دلوقتى احنا غطينا في ثلاث بوستات كل حاجة عن الدعم او المقاومة وازاي اعرفهم وازاي اتعامل معاها في المتاجرة...
عايزين بقى نلخص كل الكلام الحلو ده في استراتيجية محددة بالخطوات اقدر اطبقها على السوق وانفذ صفقاتي من خلالها ...
حلو الكلام ..

ده بالظبط اللي حنشرحه في البوست القادم والأخير عن
"أستراتيجية المتاجرة بأستخدام مناطق الدعم والمقاومة"

#SR_ST

Published on Investing.com, 2/Oct/2019 - 15:32:14 GMT, Powered by TradingView.

Egyptian Transport & Commercial Services Co SAE, Egypt, Egypt:ETRS, D



أستراتيجية المتاجرة بأستخدام مناطق الدعم والمقاومة Part (4)

اتكلمنا في ثلاث بوستات سابقة عن مناطق الدعم والمقاومة وكيفية تحديدهم بشكل احترافي وكذلك مراقبة السلوك السعري حولها
"من فضلك قبل ما نكمل راجع الثلاث بوستات السابقة علشان نكمل في نفس السياق ويكون الكلام واضح ومفهوم"

... تمام كده

عايزين بقى نستفيد من الكلام اللي قولنا قبل كده بشكل عملي وتطبيق على السوق
حلو الكلام...بناء على ما سبق شرحه ..نحدد خمس خطوات لتنفيذ الأستراتيجية تطبقهم على الشارت في حالة توافر الشروط

راجع الشارات المرفقة لتوضيح كل خطوة بشكل عملي وتطبيق على الشارت

1- حدد مناطق الدعم والمقاومة على الشارت زى ما اتعلمنا قبل كده فى البوستات السابقة

Published on Investing.com, 5/Oct/2019 - 20:51:29 GMT, Powered by TradingView.
Heliopolis Housing, Egypt, Egypt:HELI, D



2- انتظر وصول السعر الى مناطق الدعم المحددة مسبقا.

Published on Investing.com, 5/Oct/2019 - 21:08:38 GMT, Powered by TradingView.
Heliopolis Housing, Egypt, Egypt:HELI, D



3- راقب السلوك السعري للسهم عند تلك المناطق.

Published on Investing.com, 5/Oct/2019 - 21:11:49 GMT, Powered by TradingView.
Helipolis Housing, Egypt, Egypt:HELI, D



خلي بالك في الخطوة ديه احنا بنراقب السهم وبنشوف حيث تصرف ازاى عند مناطق الدعم ..طيب انا مستنى اشوف ايه؟؟

تمام مستنى اشوف رفض لوجود السهم في تلك المناطق
(price Rejection)

وده بيكون لتربص المشتريين للدخول في تلك المناطق

4 - الدخول شراء مع إغلاق الشمعة الثانية فوق مناطق الدعم. مع وضع الأستوب لوس أسفل اخر قاع

Published on Investing.com, 5/Oct/2019 - 21:43:49 GMT, Powered by TradingView.
Heliopolis Housing, Egypt, Egypt:HELI, D



5- تحديد مناطق جني الأرباح (Take Profit) أسفل اخر قمة او أسفل مناطق المقاومة المحددة مسبقا

Published on Investing.com, 5/Oct/2019 - 21:32:25 GMT, Powered by TradingView.
Heliopolis Housing, Egypt, Egypt:HELI, D



ملحوظة هامة ⚓

بعد تحقيق الشروط بناء على الاستراتيجية وتفعيل اوردن الشراء
Trailing Stop مع تحرك السعر لأعلى يتم رفع الاستوب لوس لأعلى وده اللي بنسميه
علشان نحافظ على الأرباح المحققة في حالة هبوط السهم قبل الوصول الى مناطق جنى الأرباح

كده انت معاك استراتيجية بسيطة ولكنها فعالة وتقدر تشتغل بيها
جرب كده افتح اى شارت وطبق الشروط والخطوات واعمل باك تيسر للاستراتيجية
وشارك معانا النتائج في الكومنتات